

## Transkription von Urkunde HLM 1377b

Ort, Datierung: Helmstedt, 1377-04-01

Signatur: Stadtarchiv Helmstedt, Nr. 147 (152; 148)

Inhalt: Rat der Stadt Helmstedt: Rentenbrief

---

We de rat . der stat to Helmstat olt vnde nige Bekennen opeliken in dissem breue vor / alle den de eyne seen vnde horn leysen . Dat we vorköpen vnde vorkoft hebbe(n) witlike(n) / vnde myd ghudem willen Rickelen . Hen(n)ighes weydewin von dem gharden ses mark / to eyrem liue . Veyr mark vor vertich mark vn(de) de andern twe vor eyre erue Der ses / mark schülle we eyre vnde willet dre gheyeue(n) vppe sinte Mich(a)el(is) daghe . de andern dre / vppe de pasche(n) . Vnde de ses mark schülle(n) na eyrem dode leydich vnd los weyse(n) vnsem / höuethern . sinte Stephin vnser parre Ok so schal dat erue na eyrem dode weysen / sinte Stephens . Vor de vertich mark vnde eyre erue schal se ok vri weyse(n) . des / schotes . der wachte bi der müren . der wachte pen(n)i(n)ghe vnde der hude vor dem dore / Ok so hed se dat . bi vns beholde(n) dat se vor eyre ander ghud nicht sweren darf touor=/schotende . wanne des wille we vns to eyre vorseen . vppe eyre vrölicheyt . Des to ener / openbarliken bekenntnisse . So hebbe we vorbenömede rat . vnse jnghezeighel witlike(n) / ghehengh(et) laten an dissen bref . Ghegheyeue(n) vnde ghescreyeue(n) na goddes bort dretten/hundert jar jn dem Seyueden vnde seyeue(n)tighisten jare des mydweykins in den / paschen